

Izveštaj o radu Uprave policije MUP-a Kantona Sarajevo za mjesec decembar 2019. godine

KRIMINALITET

STATISTIČKI POKAZATELJI

U mjesecu decembru 2019. godine na području Kantona Sarajevo, prema službenim evidencijama Uprave policije MUP-a Kantona Sarajevo, registrovana su 422 događaja sa obilježjem krivičnog djela (36 ili 9,3% više u odnosu na isti mjesec prethodne godine).

Od ukupno broja registrovanih događaja sa obilježjem krivičnog djela, 189 ili 44,8% je evidentirano po poznatom izvršiocu, a 233 ili 55,2% po nepoznatom izvršiocu.

Od ukupno 233 događaja sa obilježjem krivičnog djela evidentiranih po nepoznatom izvršiocu, naknadno je rasvijetljeno 70 ili 30% (što je za 20,2% manje u odnosu na uporedni mjesec) od čega je 36 evidentirano u mjesecu decembru, a 34 u ranijem periodu.

U izvještajnom mjesecu Uprava policije MUP KS je nadležnim tužilaštvima prosljedila na odluku putem administrativnog djelovodnika ukupno 236 obavijesti (jedna više) o događajima u kojima je pričinjena neznatna materijalna šteta.

OSNOVNI STATISTIČKI POKAZATELJI O DOGAĐAJIMA SA OBILJEŽJEM KRIVIČNOG DJELA
U MJESECU DECEMBRU 2019/18. GODINE

mjesec	Broj događaja sa obilježjem krivičnog djela			Broj naknadno rasvijetljenih događaja evidentiranih po nepoznatom izvršiocu		Broj evidentiranih lica			Broj lica lišenih slobode
	Ukupno	od toga		Ukupno	od toga iz ranijeg perioda	Ukupno	od toga		
		po poznatom izvršiocu	po NN izvršiocu				maloljetnici	povratnici	
DECEMBAR 2019. GODINE	422	189	233	70	34	227	3	132	100
DECEMBAR 2018. GODINE	386	179	207	108	44	244	10	135	118
<i>uporedba</i>	36	10	26	-38	-10	-17	-7	-3	-18
	9,3%	5,6%	12,6%	-35,2%	-22,7%	-7%	-70%	-2,2%	-15,3%

U toku mjeseca decembra prijavljeno je 227 lica (17 manje), 132 povratnika (tri manje) (ili 58,1% od ukupnog broja prijavljenih lica), tri maloljetnika (sedam manje), a 100 lica je lišeno slobode (18 manje).

Za događaje sa obilježjem krivičnog djela, koji su evidentirani u mjesecu decembru 2019. godine, prema izjavama oštećenih lica, nastupila je materijalna šteta u ukupnom iznosu od 638.446,34 KM.

NA PODRUČJU KANTONA SARAJEVO PREMA KRIVIČNOM ZAKONU FBiH-a I KZBiH-a

KZ FBiH-a i KZ BiH-a	DECEMBAR 2019.	DECEM BAR 2018.	uporedba ukupnog broja događaja sa obilježjem krivičnog djela		broj događaja po poznatom izvršiocu	broj događaja po NN izvršiocu	ukupan broj naknadno rasvijetljenih događaja	
			+ / -	%			broj	%
Protiv života i tijela	28	14	14	100%	22	6	2	33,3%
Protiv slobode i prava čovjeka i građanina	26	21	5	23,8%	23	3	2	66,7%
Protiv spolne slobode i morala	2	1	1	100%	2	0	0	---
Protiv braka, porodice i mladeži	25	23	2	8,7%	25	0	0	---
Protiv zdravlja ljudi	51	65	-14	-21,5%	51	0	0	---
Protiv imovine	240	227	13	5,7%	23	217	64	29,5%
Protiv okoliša	0	1	-1	---	0	0	0	---
Protiv opće sigurnosti ljudi i imovine	4	6	-2	-33,3%	2	2	0	0%
Protiv sigurnosti javnog prometa	15	8	7	87,5%	14	1	0	0%
Protiv pravosuđa	0	1	-1	---	0	0	0	---
Protiv javnog reda i pravnog prometa	22	13	9	69,2%	18	4	2	50%
Protiv podmićivanja i krivična djela pr.	4	2	2	100%	4	0	0	---
ZONDINOIM-a (Sl.novine KS br.01/18)	5	4	1	25%	5	0	0	---
UKUPNO	422	386	36	9,3%	189	233	70	30%

U mjesecu decembru 2019. godine u odnosu na isti mjesec prethodne godine, zabilježeno je povećanje broja registrovanih događaja sa obilježjem krivičnog djela za 36 ili 9,3%. Najznačajnije povećanje zabilježeno je u oblastima protiv života i tijela (za 14 događaja) i imovine (za 13 događaja), dok je najznačajnije smanjenje evidentirano u oblasti protiv zdravlja ljudi (za 14 događaja).

PREGLED DOGAĐAJA SA OBILJEŽJEM KRIVIČNOG DJELA PO OBLASTIMA

PROTIV ŽIVOTA I TIJELA

Tokom decembra 2019. godine evidentirano je 28 događaja sa obilježjem krivičnog djela iz oblasti protiv života i tijela (14 više u odnosu na decembar 2018 godine) i to 22 po poznatom i šest po nepoznatom izvršiocu. Evidentirani su slijedeći događaji:

- ubistvo u pokušaju (član 166. KZ FBiH u vezi člana 28.) - jedno (nije bilo ovih događaja),
- teška tjelesna ozljeda (član 172. KZ FBiH) – 11 (pet više),
- lahka tjelesna ozljeda (član 173. KZ FBiH) – 16 (devet više).

Nadležnom tužilaštvu podneseni su službeni izvještaji protiv 24 lica, od koji je 13 povratnika ili 54,2%, a sedam je lišeno slobode. Za sada su nerasvijetljene jedna teška i tri lahke tjelesne ozljede..

PROTIV SLOBODE I PRAVA ČOVJEKA I GRAĐANINA

Iz ove oblasti evidentirano je 26 događaja sa obilježjem krivičnog djela (pet više) i to: ugrožavanje sigurnosti – 25 i protupravno lišenje slobode - jedan, za čije su izvršenje evidentirana 22 lica, od kojih je 15 povratnika (ili 68,2%), a četiri su lišena slobode.

PROTIV BRAKA, PORODICE I MLADEŽI

Iz oblasti protiv braka, porodice i mladeži u mjesecu decembru evidentirano je 25 događaja sa obilježjem krivičnog djela (dva više) i to - nasilje u porodici, za čije izvršenje je prijavljeno 25 lica, od kojih je 14 (ili 56%) povratnika, a 16 lica je lišeno slobode.

PROTIV ZDRAVLJA LJUDI

Evidentiran je 51 događaj sa obilježjem krivičnog djela iz oblasti protiv zdravlja ljudi (14 manje) i to:

- neovlašćena proizvodnja i stavljanje u promet opojnih droga (čl. 238. KZ FBiH) – tri,
- posjedovanje i omogućavanje uživanja opojnih droga (čl. 239. KZ FBiH) – 48.

Nadležnom tužilaštvu podneseni su službeni izvještaji protiv 51 lica, među kojima su 33 povratnika (ili 64,7%), a 26 lica je lišeno slobode.

Policijski službenici Uprave policije su Kantonalnom tužilaštvu Sarajevo podnijeli službeni izvještaj protiv tri lica, zbog postojanja osnova sumnje da su u proteklom periodu u više navrata kupovali opojnu drogu "Marihuana", "Amfetamin" od za sada nepoznatih lica, na raznim lokalitetima, istu prepakivali, a zatim vršili prodaju raznim konzumentima na području Kantona, čime bi počinili krivično djelo **iz člana 238. KZ FBiH-a (Neovlašćena proizvodnja i stavljanje u promet opojnih droga)**, a protiv 48 lica koja su navodili druga lica na uživanje opojnih droga, stavila na raspolaganje prostorije radi uživanja opojne droge ili kod kojih je prilikom pregleda pronađena opojna droga ("Marihuana", "Heroin", "Ecstasy", itd.) čime bi počinili krivično djelo **iz člana 239. KZ FBiH-a (Posjedovanje i omogućavanje uživanja opojnih droga)**.

PREGLED ODUZETE KOLIČINE OPOJNIH DROGA U MJESECU DECEMBRU 2019/18. GODINE

vrsta opojne droge	decembar 2019. godine	decembar 2018. godine
Marihuana (paketići)	7	6
Marihuana (u gramima)	4.312	20
Marihuana (JOINT - cigarete)	2	---
Amfetamin (u gramima)	3.525	183
Amfetamin (paketići)	1	49
Ecstasy (tablete)	23	---
Pribor sa ostacima droge	2	1

PROTIV IMOVINE

U ovom mjesecu, evidentirano je 240 događaja sa obilježjem krivičnog djela protiv imovine (23 po poznatom i 217 po nepoznatom izvršiocu) što je za 13 ili 5,7% više u odnosu na isti mjesec prošle godine. Iz ove oblasti najbrojniji događaji sa obilježjem krivičnog djela su:

- teška krađa (član 287. KZ FBiH) – 119 (sedam manje),
- krađa (član 286. KZ FBiH) – 65 (25 više),
- razbojništvo (član 289. KZ FBiH) – 22 (12 manje),
- oštećenje tuđe stvari (član 293. KZ FBiH) – 14 (isto),
- utaja (član 290. KZ FBiH) - sedam (šest više), itd.

Nadležnom tužilaštvu podneseni su službeni izvještaji protiv 62 lica, od kojih je 41 povratnika (ili 66,1%), a 24 su lišena slobode.

Od ukupno 217 događaja evidentiranog po nepoznatom izvršiocu iz oblasti protiv imovine **naknadno su rasvijetljena 64 ili 29,5%** što je za 21,5% manje u odnosu na decembar 2018. godine.

Tokom mjeseca decembra ove godine, prema objektima izvršenja teških krađa, 59 je izvršeno u stambene objekte (pet više u odnosu na uporedni mjesec), 28 u poslovne prostorije (tri više), 25 u motorna vozila (otuđenja motornih vozila i "provale" u ista) (sedam više), itd.

Takođe, evidentirano je 11 otuđenja motornih vozila od čega su četiri ili 36,4% pronađena i vraćena vlasnicima (MUP-a KS-a – jedno i vlasnici su pronašli – tri vozila).

Broj otuđenih motornih vozila, u odnosu na uporedni mjesec, povećan je za pet ili 83,3%.

Policijski službenici su tokom izvještajnog mjeseca, zbog postojanja osnova sumnje da su učestvovali u otuđenju motornih vozila nadležnom tužilaštvu podnijeli službene izvještaje protiv dva lica.

Evidentirano je 65 događaja sa obilježjem krivičnog djela krađe (25 više) i to u poslovnim prostorijama – 21 put, na ulici - 16, u stambenim objektima - 12, u vozilima i na stajalištima GRAS-a - devet, u ugostiteljskim objektima - četiri, itd. odakle su otuđivani novčanici, mobiteli, prehrambeni proizvodi, željezni profili, ogrijevno drvo i pelet, itd.

Evidentirano je 11 događaja sa obilježjem krivičnog djela teških krađa na naročito opasan ili naročito drzak način (jedan više), u kojima su izvršioci, upotrebom fizičke snage (otimanjem i trganjem) - osam puta i verbalnom prijetnjom u tri slučaja, otimali mobitele, novac i tašne, a evidentirani su: osam puta na ulici, dva u tramvaju i jedan u prodavnici. Nadležnom tužilaštvu podneseni su službeni izvještaji protiv dva lica.

U mjesecu decembru ove godine evidentirana su 22 događaja sa obilježjem krivičnog djela razbojništva (12 manje). Nadležnom tužilaštvu podneseni su izvještaji protiv sedam lica - povratnika, a četiri su lišena slobode.

Od ukupno 21-nog događaja razbojništva evidentiranih po nepoznatom izvršiocu, naknadno je rasvijetljeno 11 (od čega je devet iz ranijeg perioda) ili 52,4% (što je za 13,2% manje u odnosu na uporedni mjesec).

Razbojništva su izvršena prijetnjom upotrebe vatrenog oružja - osam puta, prijetnjom upotrebe noža ili drugog oštrog predmeta – šest i upotrebom fizičke snage – osam puta, a počinjena su u poslovnim prostorijama – devet puta, na ulici – sedam, sportskim kladionicama - dva, u banci, apoteci, stanu i haustoru stambene zgrade – po jedno. Otuđivan je novac, mobiteli, nakit, cigarete, lijekovi, itd.

PROTIV OPĆE SIGURNOSTI LJUDI I IMOVINE

Iz ove oblasti evidentirana su četiri događaja (dva manje) - izazivanje opće opasnosti, a nadležnom tužilaštvu podneseni službeni izvještaji protiv dva lica, a jedno je lišeno slobode.

Događaji sa obilježjem krivičnog djela izazivanje opće opasnosti izvršeni su na otvorenom prostoru, pri čemu je u dva slučaja upotrijebljeno vatreno oružje, zatim otvorenim plamenom izazvan požar i u jednom slučaju je aktivirana nepoznata eksplozivna naprava. Posljedice izvršenja navedenih događaja su ranjavanje jednog lica, nastala materijalna šteta i uznemirenost građana.

PROTIV JAVNOG REDA I PRAVNOG PROMETA

U ovoj oblasti evidentirana su 22 događaja sa obilježjem krivičnog djela (devet više) i to: nasilničko ponašanje - 10, nedozvoljeno držanje oružja ili eksplozivnih materija – četiri, krivotvorenje isprave i napad na službenu osobu u vršenju poslova sigurnosti – po tri, sprječavanje službene osobe u vršenju službene radnje i skidanje ili povreda službenog pečata ili znaka - po jedan.

Nadležnom tužilaštvu podneseni su službeni izvještaji protiv 16 lica od kojih je sedam povratnika (ili 43,8%), a 11 je lišeno slobode.

DOGAĐAJI SA OBILJEŽJEM KRIVIČNOG DJELA U KOJIMA SU UČESTVOVALA MALOLJETNA LICA

U mjesecu decembru 2019. godine evidentirano je šest događaja sa obilježjem krivičnog djela, u kojima su učestvovala tri maloljetna lica. U odnosu na isti mjesec 2018. godine smanjen je broj događaja sa obilježjem krivičnog djela za tri ili 50%, a broj maloljetnih lica smanjen je za sedam ili 70%.

Starosna dob maloljetnih lica za mjesec decembar 2019. godine

Starosna dob maloljetnika Broj maloljetnih izvršilaca	od 14 do 16 god.	od 16 do 18 god.	ukupno
	1	2	3

Među prijavljenim maloljetnim licima, jedno je u dobi do 16 godina i dva su u dobi između 16 i 18 godina, a jedan maloljetnik je povratnik.

Struktura događaja sa obilježjem krivičnog djela u kojima su učestvovala maloljetna lica u mjesecu decembru 2019/2018. godine

događaji sa obilježjem krivičnog djela (KZ FBiH)	decembar19.	decembar18.
Teška tjelesna ozljeda	2	---
Teška krađa	1	2
Teška krađa na naročito drzak i opasan način	3	2
Oštećenje tuđe stvari	---	1
Razbojništvo	---	4
ukupno	6	9

OSTALA PROTIVPRAVNA I ASOCIJALNA PONAŠANJA

AKTIVIRANJE MINSKO-EKSPLOZIVNIH SREDSTAVA

U toku mjeseca decembra 2019. godine na području Kantona Sarajevo evidentirana su dva događaja aktiviranja minsko-eksplozivnih sredstava (isti broj kao i u decembru 2018. godine) usljed čega je jedna osoba smrtno stradala i nastupila je materijalna šteta.

Takođe, evidentirano je 10 anonimnih dojava o postavljenoj eksplozivnoj napravi (nije bilo u decembru 2018. godine), a odnosile su se uglavnom na srednje škole. Nakon KDZ pregleda utvrđeno je da su dojave bile lažne, a preduzimaju se aktivnosti na rasvjetljavanju ovih slučajeva i pronalaženju učinilaca.

POŽARI

Tokom mjeseca decembra 2019. godine, na području Kantona Sarajevo registrovano je 16 požara (pet više u odnosu na isti mjesec prethodne godine), koji su za posljedicu imali materijalnu štetu.

Prema statističkim pokazateljima, 10 požara je izazvano nehatom, dva namjerno, jedan zbog tehničkih nedostataka, dok uzroci tri požara spadaju u kategoriju ostalih.

Požari su registrovani u:

- Stambenim objektima – četiri puta,
- Saobraćajnom sredstvu – tri,
- Pomoćnom objektu – dva,
- Ostalim objektima – sedam puta.

Zbog izazivanja požara nadležnom tužilaštvu podnesena su dva službena izvještaja zbog počinjenih krivičnih djela izazivanje opće opasnosti i paljevina.

SAMOUBISTVA

U mjesecu decembru 2019. godine na području Kantona Sarajevo registrovano je jedno samoubistvo (dva manje u odnosu na decembar prošle godine) izvršeno vješanjem. Počinila ga je žena starosti 46 godina.

OSTALE AKTIVNOSTI

U sklopu aktivnosti na oduzimanju nelegalno posjedovanog oružja i drugih predmeta oduzeto je sedam pištolja, dvije puške, dva noža, 6.073 komada petardi i 525 komada municije raznog kalibra.

Tokom mjeseca decembra ove godine fizičkim licima izdata su 103 odobrenja za nabavku vatrenog oružja i 102 oružna lista.

JAVNI RED I MIR

U toku mjeseca decembra 2019. godine u oblasti protiv javnog reda i mira evidentirano je 278 prekršaja (48 ili 14,7% manje u odnosu na isti mjesec 2018. godine), a za izvršenje navedenih prekršaja prijavljeno je 285 lica (99 ili 25,8% manje).

Zbog učinjenih prekršaja u oblasti protiv javnog reda i mira izdata su 224 naloga i podnesena 54 zahtjeva za pokretanje prekršajnog postupka.

Na prekršaje utvrđene Zakonom o prekršajima protiv javnog reda i mira odnosi se 260 prekršaja (ili 93,5%), a na prekršaje koji su utvrđeni Odlukom općinskih vijeća o javnom redu i miru 18 ili 6,5%.

Od ukupnog broja prijavljenih lica, 35 su lica koja su i ranije činila prekršaje (povratnici), a prema starosnoj strukturi učinilaca prekršaja, najbrojniji su u dobi preko 36 godina (179), između 26 i 35 godina (67), 19 i 25 godina (38) i do 18 godina – jedno lice.

Prilikom narušavanja javnog reda i mira u mjesecu decembru 2019. godine, nije bilo teže povrijeđenih lica (kao ni u istom mjesecu 2018. godine), dok su dva lica (pet manje) lakše povrijeđena.

Tabelarni pregled strukture prekršaja iz oblasti javnog reda i mira
za mjesec decembar 2019/2018.godina

STRUKTURA PREKRŠAJA	decembar 2019.	decembar 2018.	+ - %
UKUPNO prekršajnih naloga i zahtjeva za ppp	278	326	-48 ili 14,7%
UKUPNO lica	285	384	-99 ili 25,8%
Prekršaji prema Zakonu o prekršajima protiv JRiM:	260	305	-45 ili 14,7%
<i>-Tuče</i>	18	50	-32 ili 64%
<i>-Naročito drsko ponašanje</i>	33	72	-39 ili 54,2%
<i>-Odbijanje naredenja i omalovažavanje pol. služb.</i>	36	15	+21 ili 140%
<i>-Prosjačenje</i>	111	91	+20 ili 22%
<i>-Svađa, vika, nepristojno ponašanje</i>	19	5	+14 ili 280%
<i>-Paljenje petardi</i>	4	8	-4 ili 50%
<i>-Neovlaštena upotreba oružja</i>	---	1	-1
<i>-Ostali prekršaji</i>	39	63	-24 ili 38,1%
Prekršaji prema Odluci OV o JRiM	18	21	-3 ili 14,3%

Prema vrsti prekršaja, najbrojniji su sljedeći prekršaji: prosjačenje (111 ili 39,9% od ukupnog broja), odbijanje naređenja i omalovažavanje policijskih službenika (36 ili 12,9%), naročito drsko ponašanje (33 ili 11,9%), svađa, vika, nepristojno ponašanje (19 ili 6,8), tuče (18 ili 6,5%) i paljenje petardi (četiri ili 1,4%). Takođe, evidentirano je 39 prekršaja iz kategorije ostali prekršaji i 18 prekršaja koji su regulisani Odlukom općinskih vijeća.

U odnosu na isti mjesec 2018. godine povećan je broj prekršaja učinjenih odbijanjem naređenja i omalovažavanjem policijskih službenika, prosjačenjem i svađom, vikom, nepristojnim ponašanjem, dok je broj ostalih prekršaja smanjen.

Prema mjestu izvršenja, najveći broj prekršaja evidentiran je na ulici i na drugim otvorenim prostorima (251 ili 90,3%), a znatno manje u ugostiteljskim objektima (devet ili 3,2%), a na ostalim mjestima 18 prekršaja.

Tabelarni pregled strukture prekršaja iz oblasti javnog reda i mira prema mjestu izvršenja za mjesec decembar 2019/2018. godine

MJESTO IZVRŠENJA	DECEMBAR 2019.	DECEMBAR 2018.	+ - %
Ulica i drugi otvoreni prostor	251	295	-44 ili 14,9%
Ugostiteljski objekti	9	15	-6 ili 40%
Sportski stadioni i dvorane	---	1	-1
Škole (školska dvorišta)	---	2	-2
Vozila javnog saobraćaja	---	---	---
Trgovinske radnje	---	1	-1
Ostala mjesta	18	12	+6 ili 50%
UKUPNO	278	326	-48 ili 14,7%

U odnosu na isti mjesec 2018. godine, smanjen je broj prekršaja evidentiranih na ulici i drugim otvorenim prostorima, ugostiteljskim objektima, sportskim stadionima i dvoranama, školama i trgovinskim radnjama, dok je na ostalim mjestima povećan broj prekršaja.

Na području Kantona Sarajevo u mjesecu decembru 2019. godine održana su 243 javna skupa (pet ili 2,1% više u odnosu na mjesec decembar 2018. godine). Policijski službenici Uprave policije proveli su planske aktivnosti za održavanje javnih skupova, koji su protekli bezbjedno, a u 49 slučajeva izvršeno je KDZ osiguranje.

SAOBRAĆAJ

Na području Kantona Sarajevo u mjesecu decembru 2019. godine u odnosu na isti mjesec prethodne godine povećan je ukupan broj saobraćajnih nezgoda, broj nezgoda sa materijalnom štetom, sa nastradalim licima i broj povrijeđenih lica, dok je broj poginulih lica smanjen.

Registровано je 848 saobraćajnih nezgoda (79 ili 10,3 % više u odnosu na mjesec decembar prethodne godine), od čega su 783 sa materijalnom štetom (67 ili 9,3 % više) i 65 sa nastradalim licima (12 ili 22,6 % više).

Tokom mjeseca decembra 2019. godine u saobraćajnim nezgodama na području Kantona Sarajevo jedno lice je poginulo (jedno ili 50 % manje), dok je 76 lica povrijeđeno (13 ili 20,6 % više), od čega 12 teže i 64 lakše.

UPOREDNI POKAZATELJI SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
ZA MJESEC DECEMBAR 2019./18. GODINE

	DECEMBAR 2019	DECEMBAR 2018	+,-,%
UKUPNO SAOBRAĆAJNIH NEZGODA	848	769	+ 79 ili 10,3 %
Saobraćajne nezgode sa nastradalim licima	65	53	+ 12 ili 22,6 %
Saobraćajne nezgode sa materijalnom štetom	783	716	+ 67 ili 9,3 %
POGINULO LICA	1	2	- 1 ili 50 %
- vozači	0	1	-1
-putnici	0	0	-----
- pješaci	1	1	isto
POVRIJEĐENO LICA	76	63	+ 13 ili 20,6 %
- vozači	29	25	+ 4 ili 16 %
- putnici	24	20	+ 4 ili 20 %
- pješaci	23	18	+ 5 ili 27,8 %

U naselju je registrovana 771 saobraćajna nezgoda (jedna sa poginulim, 61 sa povrijeđenim licima i 709 sa materijalnom štetom), van naselja 77 nezgoda (tri sa povrijeđenim licima i 74 sa materijalnom štetom).

TABELARNI PREGLED SAOBRAĆAJNIH NEZGODA I POSLJEDICA NA PODRUČJU KANTONA SARAJEVO
U MJESECU DECEMBRU (U NASELJU I VAN NASELJA)

SAOBRAĆAJNE NEZGODE	SA NASTRADALIM LICIMA			SA MATERIJALNOM ŠTETOM	UKUPNO	POSLJEDICE		
	sa poginulim licima	sa povrijeđenim licima				broj poginulih lica	broj teže povrijeđenih lica	broj lakše povrijeđenih lica
		teže	lakše					
u naselju	1	11	50	709	771	1	12	61
van naselja			3	74	77			3
UKUPNO	1	11	53	783	848	1	12	64

Prema kategoriji puta, najveći broj saobraćajnih nezgoda registrovan je:

- na ulicama u naselju – 398 nezgoda u kojima su 34 lica nastradala (jedno poginulo i 33 povrijeđena - devet teže i 24 lakše),
- na magistralnim putevima – 201 nezgoda u kojoj je 21 lice povrijeđeno (dva teže i 19 lakše),
- na regionalnim putevima – 67 (šest lica lakše povrijeđeno),
- na lokalnim putevima – 42 (dva lica lakše povrijeđena),
- na putevima koji se ubrajaju u kategoriju ostalih – 140 saobraćajnih nezgoda (14 lica povrijeđeno, jedno teže i 13 lakše).

POSLJEDICE SAOBRAĆAJNIH NEZGODA

Tokom mjeseca decembra 2019. godine, u saobraćajnim nezgodama na području Kantona Sarajevo nastradalo je ukupno 77 lica (12 ili 18,5 % više). Jedno lice je poginulo¹ (jedno ili 50 % manje), dok je 76 lica povrijeđeno (13 ili 20,6 % više), od čega 12 teže i 64 lakše.

1

STEPEN POVREDA UČESNIKA U SAOBRAĆAJNIM NEZGODAMA

- Vozači :
29 vozača je povrijeđeno: četiri teže i 25 lakše
- Putnici:
24 putnika su povrijeđena: dva teže i 22 lakše
- Pješaci:
23 pješaka su povrijeđena: šest teže i 17 lakše

Starosna dob nastradalih lica u saobraćajnim nezgodama je slijedeća:

- ispod 6 godina – tri lica,
- od 6 do 17 godina – šest,
- od 18 do 24 godine – 24,
- od 25 do 30 godina – 11,
- od 31 do 40 godina – 13,
- od 41 do 50 godina - pet,
- od 51 do 65 godina- devet,
- 66 i više godina – četiri,
- nepoznata starosna dob – dva lica.

Starosna dob nastradalih vozača u saobraćajnim nezgodama je slijedeća:

- od 18 do 30 godina – 16 lica,
- od 30 do 40 godina – pet,
- od 40 do 50 godina – četiri,
- od 50 do 60 – tri,
- od 60 i više godina –jedno lice.

UZROCI SAOBRAĆAJNIH NEZGODA

Na osnovu statističkih podataka o saobraćajnim nezgodama i nastradalim licima, najveći broj uzroka saobraćajnih nezgoda spada u kategoriju:

- ostalih – 710 (50 lica povrijeđeno, šest teže i 44 lakše),
- neprilagođena brzina – 127 (jedno lice poginulo, 24 lica povrijeđena - četiri teže i 20 lakše),
- uticaj alkohola – 10 (dva lica teže povrijeđena),
- uticaj opojnih droga – jedna nezgoda (bez nastradalih lica).

AKTIVNOSTI POLICIJE IZ OBLASTI SIGURNOSTI SAOBRAĆAJA

Tokom mjeseca decembra 2019. godine, policijski službenici Uprave policije MUP-a Kantona Sarajevo kontrolisali su:

- 19.083 vozila i vozača (395 više),
- 4.375 lica u vozilima (426 manje),
- pregledali 234 vozila (15 manje) i 188 lica u vozilima (15 manje).

Zbog tehničke neispravnosti iz saobraćaja su isključena 22 vozila (dva više), 388 vozača je zatečeno da upravljaju vozilom pod dejstvom alkohola (76 više), 523 bez korištenja sigurnosnog pojasa (258 više), 157 bez položenog vozačkog ispita (60 više), 69 pod izrečenom zaštitnom mjerom (13 više),

343 vozača su zatečena da koriste mobitel tokom vožnje (31 više) i 1.133 vozila koja su učestvovala u saobraćaju bez važeće registracije (577 više).

Zbog kršenja propisa iz oblasti sigurnosti saobraćaja uručeno je 20.213 prekršajnih naloga vozačima (4.974 ili 32,6 % više u odnosu na mjesec decembar prošle godine) i podneseno 212 zahtjeva za pokretanje prekršajnog postupka (178 ili 523,5 % više).

MIRUJUĆI SAOBRAĆAJ I KONTROLA PJEŠAKA

Tokom mjeseca decembra 2019. godine kontinuirano su se provodile aktivnosti u pogledu saobraćaja u mirovanju i kontrole kretanja pješaka.

Protiv vozača koji su vozila nedozvoljeno parkirali na javnim površinama, uručen je 8.141 prekršajni nalog (1.665 više), upozorena 272 vozača (19 manje), a specijalnim vozilom "pauk" premješteno je 441 vozilo (263 više).

Takođe, pješacima koji su kršili propise uručena su 193 prekršajna naloga (64 više), a upozoreno je 30 pješaka (41 manje).

ZAKONITOST U RADU

Tokom mjeseca decembra 2019. godine, registrovana su tri pojedinačna napada (jedan manje) na policijske službenike MUP-a KS. U napadima su učestvovala tri punoljetna lica koja su lišena slobode.

Policijski službenici Uprave policije su u mjesecu decembru 2019. godine u dva slučaja opravdano upotrijebili silu (jedan manje).

Tokom izvještajnog mjeseca, razmatrana je 41 predstavka na rad policijskih službenika. Nakon razmatranja Odbor za žalbe građana Skupštine Kantona Sarajevo donio je zaključak da se za 22 predstavljanja (11 više) provede unutrašnja istraga, za devet je odlučeno da se izvrše provjere i prikupi dokumentacija, za četiri da su neosnovane, za dvije da je Odbor nenadležan, u jednom slučaju predstavka je proslijeđena Sektoru uniformisane policije na eventualno daljnje postupanje, u jednom slučaju je pripojena postojećem spisu, a u jednom slučaju pripojena je prethodnoj žalbi po kojoj su otvorene provjere i u jednom slučaju predmet je proslijeđen Sektoru kriminalističke policije.

Od ukupno 41. razmatrane predstavljanja, 31. je podnesena od strane građana, a 10 predstavljanja predstavljaju saznanja iz službe.

Okončane su 22 unutrašnje istrage, među kojima je devet bilo bez dovoljno dokaza, u sedam slučajeva istrage su neosnovane, u tri slučaja upućene na dopunu, u dva slučaja osnovane, dok je u jednom slučaju istraga obustavljena.

RAD POLICIJE U ZAJEDNICI

U okviru Rada policije u zajednici, policijski službenici Uprave policije MUP-a Kantona Sarajevo su tokom izvještajnog mjeseca preduzimali brojne aktivnosti u cilju uspostavljanja što bolje saradnje sa građanima, mjesnim zajednicama, školama, predstavnicima vjerskih zajednica, raznim udruženjima građana i nevladinim organizacijama.

Obavljajući svoje redovne aktivnosti službenici policije su vršili obilaske mjesnih zajednica, obrazovnih institucija, dječjih vrtića, zatim ostvarivali kontakte sa socijalnim radnicima, građanima, vjerskim službenicima u cilju preduzimanja zajedničkih aktivnosti na osiguranju vjerskih objekata, kao i sa organizatorima sportskih, kulturnih i drugih manifestacija.

U mjesecu decembru 2019. godine koordinirane su aktivnosti Uprave policije, Visokog sudskog i tužilačkog vijeća BiH kao i Ministarstva za obrazovanje, nauku i mlade Kantona Sarajevo u cilju nastavka realizacije projekata "Jačanja tužilačkih kapaciteta u sistemu krivičnog pravosuđa u BiH", "Lopov bude uvijek otkriven", „Socijalizacija s pravom- SPS“, itd.

Odjeljenje za odnose s javnošću

Sarajevo, 10.01.2020. godine